

Sedmi sastanak stranaka Okvirnog sporazuma o slivu rijeke Save

Bled, Republika Slovenija 7. juni 2018.

Mato Franjičević, zamjenik ministra, Ministarstvo vanjske trgovine i ekonomskih odnosa BiH, voditelj delegacije

Uvažene dame i gospodo, dragi prijatelji,

Uspješno privodimo kraju Sedmi sastanak Stranaka Okvirnog sporazuma o slivu rijeke Save i želim se zahvaliti još jednom domaćinima ovog sastanka na izuzetnoj organizaciji i vođenju Sedmog sastanka Stranaka na kojem smo razmotrili status provedbe Okvirnog sporazuma i rezultate postignute između dva sastanka strana kao i ključne izazove koji pred nama stoje u idućem periodu.

Deklaracija koju smo usvojili kao završni akt ovog sastanka, predstavlja dobru osnovu za daljnje jačanje regionalne suradnje a osobito bih istaknuo važnost zajedničke podrške realizaciji aktivnosti sadržanih u Zajedničkom planu aktivnosti za sliv rijeke Save koju je usvojila Savska komisija.

Uvjeren sam da ćemo i na sljedećem sastanku Stranaka Okvirnog sporazuma, koji će se održati u Bosni i Hercegovini 2020. godini, imati priliku razmatrati nove zajedničke rezultate u svim područjima koje obuhvaća Okvirni sporazum i još jednom biti zadovoljni postignutim.

U tom smislu zadovoljstvo nam je i čast preuzeti dužnost domaćina Osmog sastanka Strana Okvirnog sporazuma o slivu rijeke Save i pozvati vas da se ponovno okupimo 2020. godine u Bosni i Hercegovini.